

千金翼方卷第三

本草中

草部下品之上 三十五味

大黃

將味苦寒

大寒無毒主下瘀血血閉寒熱破癥瘕積聚

留飲宿食蕩滌腸胃推陳致新通利水穀調中化食安和五藏平胃下氣除痰實腸間結熱心腹脹滿女子寒血閉脹小腹疼痛諸老血留結一名黃良生河西山谷及隴西二月八月採根火乾

桔梗

味辛苦微溫有小毒主胸脅痛如刀刺腹滿腸鳴幽幽

驚恐悸氣利五藏腸胃補血氣除寒熱風痺溫中消穀療喉咽痛下蠱毒一名利如一名房圖一名白藥一名梗草一名

薺危生萑萑高山谷及冤句二月八月採根暴乾

甘遂

味苦甘寒大寒有毒主大腹疝瘕腹滿面目浮腫留飲

宿食破癥堅積聚利水穀道下五水散膀胱留熱皮中痞熱
氣腫滿一名甘橐一名陵橐一名陵澤一名重澤一名王田
生中山山谷二月採根陰乾

葶藶味辛苦寒大寒無毒主癥瘕積聚結氣飲食寒熱破堅
逐邪通利水道下膀胱水伏留熱氣皮間邪水上出面目浮
腫身暴中風熱癰痒利小腹久服令人虛一名丁歷一名葦
蒿一名大室一名大適生橐城平澤及田野立夏後採實陰
乾得酒良

芫花味辛苦溫微溫有小毒主欬逆上氣喉鳴喘咽腫短氣
蠱毒鬼瘧疔瘕癰腫殺蟲魚消胃中痰水喜唾水腫五水在
五藏皮膚及腰痛下寒毒肉毒久服令人虛一名去水一名
毒魚一名杜芫其根名蜀桑根療疥瘡可用毒魚生淮源川
谷三月三日採花陰乾

澤漆 味苦辛微寒無毒主皮膚熱大腹水氣四肢面目浮腫丈夫陰氣不足利大小腸明目輕身一名漆牽大戟苗也生太山川澤二月三日七月七日採莖葉陰乾

大戟 味苦甘寒大寒有小毒主蠱毒十二水腹滿急痛積聚中風皮膚疼痛吐逆頸腋癰腫頭痛發汗利大小腸一名卬鉅生常山十二月採根陰乾

羌花 味苦辛寒微寒有毒主傷寒溫瘧下十二水破積聚大堅癰瘕蕩滌腸胃中留癖飲食寒熱邪氣利水道療痰飲欬嗽生咸陽川谷及河南中牟六月採花陰乾

旋復花 味鹹甘溫微溫冷利有小毒主結氣脅下滿驚悸除水去藏間寒熱補中下氣消胃上痰結唾如膠漆心脅痰水膀胱留飲風氣濕痺皮間死肉目中眵眦利大腸通血脉益色澤一名戴椹一名金沸草一名盛椹其根主風濕生平澤

川谷五月採花日乾二十日成

鈎吻 味辛溫有大毒主金瘡乳瘡中惡風欬逆上氣水腫殺鬼疰蠱毒破癥積除脚膝痺痛四肢拘攣惡瘡疥蟲殺鳥獸一名野葛折之青烟出者名固活甚熱不入湯生傳高山谷及會稽東野

藜蘆 味辛苦寒微寒有毒主蠱毒欬逆洩痢腸辟頭瘍疥瘡惡瘡殺諸蟲毒去死肌療噦逆喉痺不通鼻中息肉馬刀爛瘡不入湯一名葱苒一名葱莢一名山葱生太山山谷三月採根陰乾

藟 味甘平無毒主心腹積聚除二蟲生山谷二月採及已 味苦平有毒主諸惡瘡疥癰蝕及牛馬諸瘡

烏頭 味辛甘溫大熱有大毒主中風惡風洗洗出汗除寒濕痺欬逆上氣破積聚寒熱消胃上痰冷食不下心腹冷疾臍

間痛肩胛痛不可俛仰目中痛不可久視又墮胎其汁煎之
名射罔殺禽獸

射罔味苦有大毒療尸疰癥堅及頭中風痺痛一名奚毒一
名即子一名烏喙

烏喙味辛微溫有大毒主風濕丈夫腎濕陰囊痒寒熱歷節
掣引腰痛不能行步癰腫膿結又墮胎生朗陵山谷正月二
月採陰乾長三寸以上爲天雄

天雄味辛甘溫大溫有大毒主大風寒濕痺歷節痛拘攣緩
急破積聚邪氣金瘡強筋骨輕身健行療頭面風去來疼痛
心腹結積關節重不能行步除骨間痛長陰氣強志令人武
勇力作不倦又墮胎一名白晷生少室山谷二月採根陰乾
附子味辛甘溫大熱有大毒主風寒欬逆邪氣溫中金瘡破
癥堅積聚血瘀寒濕踈痺拘攣膝痛脚疼冷弱不能行步腰

脊風寒心腹冷痛霍亂轉筋下痢赤白堅肌骨強陰又墮胎
爲百藥長生捷爲山谷及廣漢冬月採爲附子春採爲烏頭
側子味辛大熱有大毒主癰腫風痺歷節腰脚疼冷寒熱鼠
癭又墮胎

羊躑躅味辛溫有大毒主賊風在皮膚中淫淫痛溫瘧惡毒
諸痺邪氣鬼疰蠱毒一名玉支生太行山川谷及淮南山三
月採花陰乾

茵芋味苦溫微溫有毒主五藏邪氣心腹寒熱羸瘦如瘡狀
發作有時諸關節風濕痺痛療久風流走四肢脚弱一名莞
草一名卑共生太山川谷三月三日採葉陰乾

射干味苦平微溫有毒主欬逆上氣喉痺咽痛不得消息散
結氣腹中邪逆食飲大熱療老血在心脾間欬唾言語氣臭
散胃中熱氣久服令人虛一名烏扇一名烏蒲一名烏菱一

名烏吹一名草薑生南陽川谷田野二月三日採根陰乾

鳶尾味苦平有毒主蠱毒邪氣鬼疰諸毒破癥瘕積聚大水
下三蟲療頭眩殺鬼魅一名烏園生九疑山谷五月採

貫衆味苦微寒有毒主腹中邪熱氣諸毒殺三蟲去寸白破
癥瘕除頭風止金瘡花療惡瘡令人洩一名貫節一名貫渠
一名百頭一名虎卷一名扁符一名伯萍一名藥藻此謂草
鵝頭生玄山谷及冤句少室山二月八月採根陰乾

半夏味辛平生微寒熟溫有毒主傷寒寒熱心下堅下氣喉
咽腫痛頭眩胃脹欬逆腸鳴止汗消心腹胃膈痰熱滿結欬
嗽上氣心下急痛堅痞時氣嘔逆消癰腫墮胎療痿黃悅澤
面目生令人吐熟令人下用之湯洗令滑盡一名守田一名
地文一名水玉一名示姑生槐里川谷五月八日採根暴乾

白朮主毒腫結熱

虎掌 味苦溫微寒有大毒主心痛寒熱結氣積聚伏梁傷筋痿拘緩利水道除陰下濕風眩生漢中山谷及冤句二月八月採陰乾

良姜子 味苦甘寒有毒主齒痛出蟲肉痺拘急使人健行見鬼療癲狂風癇顛倒拘攣多食令人狂走久服輕身走及奔馬強志益力通神一名攬唐一名行唐生海濱川谷及雍州五月採子

蜀漆 味辛平微溫有毒主瘧及欬逆寒熱腹中癥堅痞結積聚邪氣蠱毒鬼疰療胃中邪結氣吐出生江林山川谷及蜀漢中常山苗也五月採葉陰乾

恒山 味苦辛寒微寒有毒主傷寒寒熱發溫瘧鬼毒胃中痰結吐逆療鬼蠱往來水脹洒洒惡寒鼠瘻一名互草生益州川谷及漢中八月採根陰乾

青箱子

味苦微寒無毒主邪氣皮膚中熱風癢身痒殺三蟲

惡瘡疥蝨痔蝕下部蠱瘡子名草決明療瘡口青一名草蒿

一名萋蒿生平谷道傍三月採莖葉陰乾五月六月採子

牙子

味苦酸寒有毒主邪氣熱氣疥瘙惡瘍瘡痔去白蟲一

名狼牙一名狼齒一名狼子一名犬牙生淮南川谷及冤句

八月採根暴乾中濕腐爛生衣者殺人

白欬

味苦甘平微寒無毒主癰腫疽瘡散結氣止痛除熱目

中赤小兒驚癇溫瘧女子陰中腫痛下赤白殺火毒一名菟

核一名白草一名白根一名崑崙生衡山山谷二月八月採

根暴乾

白及

味苦辛平微寒無毒主癰腫惡瘡敗疽傷陰死肌胃中

邪氣賊風鬼擊痲緩不收除白癬疥蟲一名甘根一名連及

草生北山川谷及冤句及越山

蛇含 味苦微寒無毒主驚癇寒熱邪氣除熱金瘡疽痔鼠瘻
惡瘡頭瘍療心腹邪氣腹痛濕痺養胎利小兒一名蛇銜生
益州山谷八月採陰乾

草蒿 味苦寒無毒主疥瘙癢惡瘡殺蟲留熱在骨節間明
目一名青蒿一名方漬生華陰川澤

舊菌 味鹹甘平微溫有小毒主心痛溫中去長蟲白癧螭蟲
蛇螫毒癰疽諸蟲疽蝸去虻蟲寸白惡瘡一名舊盧生東海
池澤及渤海章武八月採陰乾

草部下品之下 六十八味

連翹 味苦平無毒主寒熱鼠瘻癰癰腫惡瘡癰瘤結熱蟲
毒去白蟲一名異翹一名蘭華一名折根一名軋一名三廉
生太山山谷八月採陰乾

白頭翁 味苦溫無毒有毒主溫瘧狂易寒熱癰疽積聚癰氣

逐血止痛療金瘡臯衄一名野丈人一名胡王使者一名柰何草生高山山谷及田野四月採亦療毒痢

覆石 味辛酸寒微寒有小毒主蝕惡肉敗瘡死肌殺疥蟲排膿惡血除大風熱氣善忘不樂去熱痺破癥瘕除息肉一名屈据一名離婁生代郡川谷五月採根陰乾黑頭者良

苦天 微寒主面目通身漆瘡作灰療金瘡大驗

干桃 味苦寒有毒主燍熱身暴赤色風水積聚惡瘍除小兒熱去五藏五水大腹利小便益氣可作浴湯一名鬼桃一名羊腸一名長楚一名御弋一名鉞弋生山林川谷及生田野

二月採陰乾

羊蹄 味苦寒無毒主頭禿疥癩除熱女子陰蝕浸淫疽痔殺蟲一名東方宿一名連蟲陸一名鬼目一名蓄生陳留川澤

鹿藿 味苦平無毒主蠱毒女子腰腹痛不樂腸癰瘰癧瘍氣

生汶山谷

牛扁 味苦微寒無毒主身皮膚熱氣可作浴湯殺牛虱小蟲
又療牛病生桂陽川谷

陸英 味苦寒無毒主骨間諸痺四肢拘攣痠膝寒痛陰痿
短氣不足脚腫生熊耳川谷及冤句立秋採

朔藿 味酸溫有毒主風瘙癢癰身痒滋痺可作浴湯一名董
草一名芟生田野春夏採葉秋冬採莖根

盡草 味苦平無毒主久欬上氣喘逆久寒驚悸痲疥白禿瘍
氣殺皮膚小蟲可以染黃作金色生青衣川谷九月十月採
夏枯草 味苦辛寒無毒主寒熱瘰癧鼠瘻頭瘡破癥散癭結
氣脚腫濕痺輕身一名夕句一名乃東一名燕面生蜀郡川
谷四月採

烏韭 味甘寒無毒主皮膚往來寒熱利小腸膀胱氣療黃疸

金瘡內塞補中益氣好顏色生山谷石上

蚤休

味苦微寒有毒主驚癇搖頭弄舌熱氣在腹中癰疾癰

瘡陰蝕下三蟲去蛇毒一名蚩休生山陽川谷及冤句

虎杖根

微溫主通利月水破留血癥結

石長生

味鹹苦微寒有毒主寒熱惡瘡大熱辟鬼氣不祥下

三蟲一名丹草生成陽山谷

鼠尾草

味苦微寒無毒主鼠瘻寒熱下痢膿血不止白花者

主白下赤花者主赤下一名勤一名陵翹生平澤中四月採

葉七月採花陰乾

馬鞭草

主下部墮瘡

胡桐淚

味鹹苦大寒無毒主大毒熱心腹煩滿水和服之取

吐又主牛馬急黃黑汗水研二三兩灌之立瘥又爲金銀鐸
藥出肅州以西平澤及山谷中形似黃櫨者而堅實有夾爛木

者云是胡桐樹滋淪入土石鹼鹵地作之其樹高大皮葉似白楊青桐桑輩故名胡桐木堪器用又名胡桐律西域傳云胡桐似桑而曲

馬勃 味辛平無毒主惡瘡馬疥一名馬疣生園中久腐處

雞腸草 主腫上小便利

蛇莓汁 大寒主胃腹大熱不止療溪毒射工傷寒大熱甚良

苧根 寒主小兒赤丹其漬苧汁療渴

菰根 大寒主腸胃固熱消渴止小便利

狼跋子 有小毒主惡瘡蝸疥殺蟲魚

弓弩弦 主難產胞衣不出

蒼耳頭細糠 主卒噎

敗天公 平主鬼疰精魅

半支河 微寒主鬼疰狂邪氣惡毒洗諸瘡用之

地漿 寒主解中毒煩悶

敗蒲席 平主筋溢惡瘡

敗船茹 平主婦人崩中吐痢血不止燒作灰服之

敗鼓皮 平主中蠱毒燒作灰水服

屋游 味甘寒主浮熱在皮膚往來寒熱利小腸膀胱氣生屋

上陰處八月九月採

赤地利 味苦平無毒主赤白冷熱諸痢斷血破血帶下赤白生肌肉所在山谷有之

赤車使者 味辛苦溫有毒主風冷邪疰蠱毒癰瘕五藏積氣

劉寄奴草 味苦溫主破血下脹多服令人痢生江南

三白草 味甘辛寒有小毒主水腫脚氣利大小便消痰破癖

除積聚消了腫生池澤畔

牽牛子 味苦寒有毒主下氣療脚滿水腫除風毒利小便

豬膏母 味辛苦平無毒主金瘡上痛斷血生肉除諸惡瘡消浮腫擣封之湯漬散傳並良

紫葛 味甘苦寒無毒主癰腫惡瘡取根皮擣爲末醋和封之生山谷中不入方用

蓖麻子 味甘辛平有小毒主水瘰水研二十枚服之吐惡沫加至三十枚三日一服瘡則止又主風虛寒熱身體瘡癢浮腫尸疰惡氣窄取油塗之葉主脚氣風腫不仁擣蒸傳之

律草 味甘苦寒無毒主五淋利小便止水痢除瘧虛熱渴瘡汁及生汁服之生故墟道傍

格注草 味辛苦溫有大毒主蠱疰諸毒癩疥等生齊魯山澤獨行根 味辛苦冷有毒主鬼疰積聚諸毒熱腫蛇毒水磨爲泥封之日三四立瘡水煮一二兩取汁服吐蠱毒母

白布草 味苦寒有小毒主蠱疥瘡殺小蠱